

Kur fam literesi Zedi get Guernica

ena enn lager
enn dezord
enn bulversman
ena dimunn inn tonbe

dimunn ki anba la
so lizye inn perdi dan so latet

tann enn kriye
enn sikkonn pe pase
seval, ondire pe tortir li,
tu dan nwar
vas la so lizye drol, li dub-fas profil ek portre, kifer?



"U finn swazir sa tablo la expre, non?
Akoz bombardman Afganistann?"



enn enn ti veyez
e tu dan nwar

mama la pe kriye,
zanfan la
ondire
obndire
li'nn fini mor

lake bef turn an lafim
enn bom inn tonbe
enn bom
tu kiksoz pe derul dan nwar,
ena fantom

resanti enn tristes
dan bulversman
enn kri
buku duler
sufrans.

Picasso kan li pe penn sa
li pe sagrin,
li pe montre nu nu dan nwar,
mem lalimyer pa pe kapav ekler nu
telman nu dan nwar
akoz lager